



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

Breuis baptizandi ritus in articulo mortis.

urn:nbn:de:gbv:23-drucke/s-483a-2f-helmst3

**BREVIS QUIDAM RI-
TUS BAPTIZANDI MASCVLVM**
vel Foemellam in articulo mortis, cum vis
delicet creditur ipsum immediate
obiturum.

Primum si Infantulus tam vicinus morti videatur, vt illi-
cò & sine mora obiturus credatur, omnibus prætermissis
Baptismum præcedentibus, tantum quærat nomen, & si ni-
hil attentatum est circa Baptismum Infantis, aquam ele-
mentalem ter fundens super eius caput denudatum, Baptis-
mi formam proferat, dicens:

Wemmet das Kind. Resp. N.

Sacerdos.

N. Ego te baptizo in nomine Pa^{tris} & Fi^{lij}, & Spiritus ^{sancti}, Amen.

Si verò intelligat aliquid esse attentatum circa In-
fantem, vtatur forma sequenti:

N. Si baptizatus (ta) es, nō te rebaptizo: sed
si nō es baptizatus (ta) ego te baptizo in nomi-
ne Pa^{tris}, & Filij, & Spiritus sancti, Amē.

Et si adhuc respirat Infans, eum in vertice
ungat Chrismate, dicens:

DEus omnipotens, & Pater Domini nostri
Iesu Christi, qui te regenerauit ex aqua & Spi-
ritu sancto, quiq; tibi dedit remissionem o-
mnium peccatorum.

Hic faciat crucem Chrismate in vertice Infantis,
subiungendo.

Ipsa te liniat Chri^{smate} salutis, per

eun-

eundem Christum Dominum nostrum, in vitam æternam, Amen.

Et hoc facto, si adhuc respiret, imponat ei mitram, dicens:

Accipe vestem sanctam, candidam, & immaculatam, quam perferas sine macula ante tribunal Christi, vt habeas vitam æternam, & viuas in sæcula sæculorum, Amen.

Deinde Sacerdos fricando pollicem dexterum sale, lauet manus, & Patrini, & aqua in focum fundatur. Postea si nec dum expirauit vinum in os eius ponat, dicens:

Huius vini perceptio, sit tibi in salutem æternam corporis & animæ. Amen.

Et demum Sacerdos, tenens vnà cum Patrinis candleam ardentem ad latus dexterum Infantis, dicat:

Accipe lampadem ardentem, irreprehensibilem, custodi baptismum tuum: serua Dei mandata: vt cū Dominus venerit ad nuptias, possis ei occurrere, vnà cum omnibus Sanctis eius in aula cœlesti, habeasq; vitam æternam, & viuas cum eo in sæcula sæculorum. Amen.

Caveat autem Sacerdos diligenter quicquam dicere aut facere, vbi prorsus mortuum fuerit: quia omnia quæcumque fiunt & dicuntur in Baptismo, pro viuis tantum, & non pro mortuis, instituta sunt.

Porro quemadmodum Parochi omni diligentia cauere debent, ne Infantes expirent sine baptismo, sic hunc eundem modum doceant Obstetrices, vt in extrema necessitate, Infantes in vernaculo sermone baptizent, ita vt dum

formam proferunt, simul aquam super caput Infantis fundant, cum debita intentione faciendi, quod facit Ecclesia, dicens:

**N. Ich tauffe dich im Namen des Vaters /
vnd des Sohns / vnd des heiligen Geists.**

August
lib. 1. de
Nupt. &
concup.
cap. 33.

Auerte hic, quod si infans his peractis superuiuat, supplebuntur in Ecclesia per Sacerdotem, quæ propter necessitatem fuerint prætermissa. Hoc obseruato: vt quoties in supplendis orationibus, adiurationibus, seu exorcismis, alij uel lectionibus præscriptis fiat mentio doni, seu gratiæ baptismi, quæ infans iam baptizatus indubiè recepit; refertur ad uberiorem Baptismatis gratiæ, aut doni effectum tota uita reliqua percipiendum. Quomodo etiam frequens ibi commemorata Satane eiection, fuga aut exitus referenda sunt à Baptista ad perfectiorem eius paulatim eiectionem, ac pleniorum purgationem. Refert enim Augustinus, regenerationis gratiam, quæ per sacrum lauacrum datur, usque in finem uitæ cuncta mala purgare & sanare.

Quia accidere potest, vt Sacerdos aquam baptismalem, vel solemniter benedictam non habeat ad manum, vel quia fortè longius ab Ecclesia baptismali absit, vel quia que quid erat aquæ in baptisterio, multo usu exhaustum est, aut fortè tan aliquo casu effusum (quod tamen ne vnquam accidat, diligenter cauendum est) nec facile aliunde haberi potest, in sacerdotali Romano hæc etiam breuis aquæ extra conuersa tempora benedicendi formulæ præscribitur, in hunc modum:

Primum Sacerdos supra uas, in quo sit aqua naturalis & munda, dicat:

A diutorium nostrum in nomine Domini.

Resp. Qui fecit coelum, &c.

Sit nomen Domini benedictum.

Resp. Ex hoc nunc & usque, &c.

ORE

mascul vel foemel. in artic. mortis.

153

OREMVS.

EXaudi nos omnipotens Deus, & in huius
aque substantiam tuam misce virtutem, vt
abluendus (da) per eam sanitatem simul &
vitam mereatur aeternam, Per Christum Do-
minum nostrum. **Resp. Amen.**

Exorcismus aquæ.

EXorcizo te creaturâ aquæ in nomine Dei
Pa **✠**tris, omnipotentis, & in charitate Iesu
✠Christi filij eius, & in virtute Spiritus **✠**
sancti. Exorcizo te omnis virtus aduersarij,
omnis incurfio Satanae, & omne phantasma,
eradicare & effugare ab hac creatura aquæ, vt
fiat fons saliens in vitam aeternam, & quis-
quis ex ea baptizatus extiterit, fiat templum
Dei viui, & Spiritus sanctus habitet in eo, in
remissionem omnium peccatorum.

Postea ponat Chrisma in aquam, & dicat :

Fœcundetur, & sanctificetur fons iste o-
leo salutis, & salutifero Chrismate, in no-
mine Pa **✠**tris, & Fi **✠**lij, & Spiritus **✠**
sancti, Amen.



E 3

ORDO